

Oqaluuserisassanut nassuiaat.

(Inatsisartut Siulittaasuut)

Oqaluuserisassani immikkoortoq 113-ip:

Uunga siunnersuut: KNI A/S pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx 2016-imeersoq.

(Ingerlatseqatigiiffissuup KNI-p suliaassaasa killilerneqarnerat)

aappassaaneerneqarnissaa ullormik ataatsimik kinguartinneqarpoq ulloq 27. oktober pisussanngorlugu. Immikkoortumut isumaliutissiissutip kingusinaarluni agguanneqarsimanera tamatumunnga pissutaavoq.

Apeqquteqaat aallaavigalugu oqallinnissamik siunnersuummik oqaluuserisassanut ilanngussisoqarnissaa Siulittaasoqarfiup akueraa. Immikkoortoq oqaluuserisassani immikkoortutut 51-itut normulerneqarpoq:

Nunatsinni silaannakkut imaatigullu inuit angallanneqarnissaat siunertaralugu kiffartuussinissamik isumaqatigiissutit qanoq sinaakkusiorneqartarnissaat pillugit Inatsisartunut ilaasortat isummernissaat siunertaralugu apeqquteqaat aallaavigalugu oqallinnissamik siunnersuut.

Immikkoortup ulloq 9. november oqaluuserineqarnissaa siunnersuutigineqarpoq.

Sanaartornermut Ataatsimiititaliaq qinnuteqarpoq oqaluuserisassani immikkoortoq 30-p aappassaaneerneqarnissaata kinguartinneqarnissaanik.

Immikkoortoq 30-p qulequtaraa: Nukissiorfiit innaallagissamik imermillu tunisassiornerminni pilersuinerannillu aalisakkanik tunisassiorfinnut illoqarfinni nunaqarfinnilu ataasiakkaani 41,5 %-imik akeqartitsinerup assinganik nunap qaavani toqoraavinnut ass. Neqi A/S aamma Lilleholm Aps-imut atuutinneqalernissaannik Naalakkersuisut piginnaatinneqarnissaannik Inatsisartut aalajangiiffigisassaattut siunnersuut.

Immikkoortoq ullumi aappassaaneerneqartussaagaluarpoq. Immikkoortup ulloq 10. november aappassaaneerneqarnissaa maanna siunnersuutigineqarpoq.

Ilaasortat uku akornganni taasisarnerit pillugit isumaqatigiissuteqartoqarpoq:

Kalistat Lund, Inuit Ataqtigiit aamma Laura Táunâjik, Siumut
Karl-Kristian Kruse, Siumut aamma Ane Hansen, Inuit Ataqtigiit
Múte B. Egede, Inuit Ataqtigiit aamma Ineqi Kielsen, Siumut
Agathe Fontain, Inuit Ataqtigiit aamma Kim Kielsen, Siumut